

Aymara - Chuymach Kellkatanaca - Comfort Scriptures

2 Corintios 1:2-4 Jumanacajj catokapjjam Diosan bendicionanacapa, uqhamarac Dios Awquisan, Jesucristompin sumancañapsa. 3 Yupaychañäni Jesucristo Tatitusan Dios Awquiparu. Jupaw jiwasar qhuyapayasir Awquisajja, uqhamarac chuymachirisasa. 4 Take t'akhesiñanacasanwa Diosajj chuymachistu, jiwasajj t'akhesirinacar chuymachañasataqui, cunjämtü Diosajj jiwasar chuymachquistu uqhama.

Proverbios 15:13 Cusisit chuyman jakesti ajanupanja cusisitaraquiwa; llaquit chuyman jakesti llaquita ajanuniwa.

1 Reyes 8:66 Quimsakallko ururusti reyejj Israel marcarojj qhitjjänwa, ucatsti jupanacajj reyir bendiciwayasaw utanacapar wali cusisita sarjjapjjäna, Tatitojj take asqui luratapata David sirviriparu, uqhamarac Israel take marcaparusa.

1 Crónicas 16:10 Jach'a tucupjjam kollana sutipatjja. ¡Cusisipjjpan Tatitur thaker jakenacan chuymapajja!

Proverbios 12:25 Llaquejj jakerojj mayjt'ayiwa; suma arusti cusisiyiwa.

Proverbios 13:12 Cuna suyt'äwinacatejj jan phokhascjje ucasti chuyma usuyasiñäquiwa, ucampis munatasarjam phokhasi ucajj jacañ kokjamawa.

Isaías 30:26 Tatituw kollani ch'okantaraquini marcapan chhojjrinacapjja. Ucapachaw phajjsejj intjama khanani, intisti khanapat sipanja pakallko uqhampwa khant'ani, pakallko intin khanapäcaspas uqhama.

Oseas 13:8 Wawanacap chhakhayasiri osar uñtataraqiwi jupanacarojj thaquin jicjjatä, ucatsti jisc'a jisc'a chuymapjja tucjä. Mä leonar uñtataraqiwi pachparu jupanacjja mank'antä; mä monte animalar uñtataw jupanacarojj tucjä.

1 Samuel 1:8,10 Ucat Elcana chachapajj saraquiriña: "Ana, ¿cunatsa jachta? ¿Cunatsa ucatak llaquitäta, janiraquiw mank'añsa munctati? ¿Janit nayasti jumataquisti tunca wawanacat sipansa asquïctsti?" sasa. 10 Anasti jacht'asisa, chuymapansa wali mayjt'ataw, Tatitut mayisña,

Salmos 25:16,17 Tatay, uñtaniquitaya, nayat qhuyapt'ayasita, sapaquiw uñjasta, llact'ataraquïtwa; 17 chuymajjajj juc'ampipuniw llaquisi, take llaquinacajjat irpst'asita.

Salmos 34:18 Tatitojj llaquimp aynacht'atanacan jac'apancasquiwa, jupanacar khespiyañataqui, aynacht'at chuymanacap waytañataqui.

Salmos 38:8 jan acch'a ch'amaniitwa, k'ala tucjataraquïtwa, chuymajjan aynacht'atap laycuw aykoracta.

Salmos 55:4 Ajjssarañaw chuymajjar manti, jiwayir ajjsarañaw catuntitu,

Salmos 61:2,3 Chuymajjan aynacht'atap laycojj orak tucuyatpach jumar

art'asinsma: jan mistcay karka patjaruy sayt'ayita, 3 jumaw nayan imantasiñajjätajja. Jumaw timasirejjat jarc'aker ch'aman pucarätajja.

Salmos 62:8 Marcajjay, jupar take chuymamp iyawsam, chuymanacam jupar jist'arapjjam, Diosaw jiwasan imantasiñasajja.

Salmos 73:26 Chuymajjasa, janchejjas tucusisquiwa, ucampis Diosaw wiñay catokäwejjajja, jupaw chuymajjarojj catjjäsisisqui.

Salmos 77:2,3 Tatitojjay, llaquisiñajjan jumar thaksma, arumthapejj jan karjasisaw amparanac loktansma, ajayojjasti janiw chuymachasiñ jicjjatquiti. 3 Diosat amtascta ucapachajj jachtwa, lup'isasti aynacht'ataw amuyasta.

Salmos 86:11 Tatay, thaquimay uñacht'ayita, jan saraktas arcañajjataqui. Chuymajjarusti sutim wakaychir tucuyam.

Salmos 109:22 Nayajj aynacht'at mayjasir jakëtwa, chuymajjas p'aquintataraquiwa;

Salmos 112:7,8 Jan wali yatiyäwinacarojj janiw aijssarquiti, chuymapajj Tatituncasajj wali thurt'atawa. 8 Chuymapajj ch'amañchatawa, janiw aijssarquiti, timasirinacaparojj sawcasiñampiquiw uñti.

Salmos 143:4 Ajayojjajj aynacht'atawa, chuymajjajj llaquimp tucusitawa.

Salmos 147:3 Jupaw chuyma usuchjatanacarojj waliptayi, chhojjrinacap c'umaracharaqui.

Proverbios 14:30 Samarañ chuymaññajj cuerporojj jacañwa churi, ucampis envidiasiñajj ch'aqhatpachwa jakerojj tucji.

Eclesiastés 1:13 ucatsti nayajj catuyastwa yatjatañaru, uqhamarac take cunanacatejj aca oraken lurasqui ucanacjjata. ¡Cunja ch'ama lurañanacs Diosajj jakenacar churi, uca lurañanacampi jisc'achatäpjapataqui!

Eclesiastés 2:10 Cunti muncäyäta ucija luräyätwa; cunampitejj cusisiñ muncäyäta ucampiejj cusisäyätwa. Chuymajjanja take luratanacajjatwa cusisäyäta, ucatsti uca cusisiñawa nayan pagojjäna.

Eclesiastés 2:22,23 Uqhamasti, ¿cuna ascsa jakejj apsu aca orakena take ucanac lurasinja, uqhamarac uca take llaquisisinja? 23 Take jacañapanja t'akhesiñaquiw utji, uqhamarac llaquisiñanacaquiwa; janiw arumasa amuyupanja samarquiti, lup'iscaquiwa. ¡Ucasti inamayaquiwa!

Eclesiastés 11:10 Chuymaman llaquisiñanacapjja apanucum, uqhamarac jan walt'añanacs, waynanacana suma urunacapasa inamayaquítapa laycu.

Isaías 30:29 Ucampis jumanacataquejj k'ochunacaw utjani kollana fiesta arumanacanjama; chuymapansti wali cusisitaraquïniwa, qhititejj pinquillun phust'asitaparjam sarnakquis Tatitun kollupar sarasajja, Israelan imantasiñ marcapar sarcaspasa uqhama.

Isaías 57:15 Alajjpachanquiristi, qhititejj wiñayatac jacqui, sutipasti kollanaraqui, ucajj aqham siwa: "Nayajj mä alto kollan chekanwa jacta, ucampisa qhititejj alt'at chuymani, llact'ata sarnakaraqui ucanacarusti ch'amañcharactwa.

Isaías 65:14 jupanacajj cusisiñatsa k'ochusipjjaniwa, chuymanacapan cusisiñajj utjatap laycu, ucampis jumanacajj arnakasipjjätawa, wararipjjaraquïtawa, llaquisiñatsa chuymanacamajj cawcst'ataraquïniwa.

Isaías 66:13,14 Cunjämatejj mä taycajj wawaparojj chuymachejja, uqhamaraquiw nayajj jumanacarojj chuymachapjjäma, Jerusalenansti chuymachasiña jicjjatapjjaraquïta." 14 Cunapachatejj jumanacajj acanac uñjapjjäta ucapachajj chuymanacamajj cusisiniwa; janchinacamasti mä korar uñtataraqiwi ch'ich'tanini. Tatitusti sirvirinacap taypinjja ch'amapwa uñacht'ayani, uñisirinacap taypinsti colerasiñapa uñacht'ayaraquini.

Jeremías 15:16 Cunapachatejj jumajj nayaru parljjayista ucapachajja, arunacamija nayajj mank'jamwa mank'ayäta; uca arunacamaw chuymajjarojj cusisiyaraquïnja, nayasti jumancaracstjjaya, take ch'amani Dios Tatitu.

Jeremías 24:7 Jupanacarusti mä suma amuyu churaraquï nayan Tatitütajja yatipjjañapataqui; jupanacasti marcajjäniwa, nayasti jupanacan Diosaparaquïyäwa, nayaru take chuymampi cuttanjjapjjatapata.

Juan 14:1 Jan jumanacajj llaquisipjjamti. Iyawsapjjam Diosaru, nayarus iyawsapjjaraquita.

Juan 14:27 Samarañwa jaytapjisma. Nayan samarañajwa churapjisma, ucampis janiw nayajj samarañjj churcti cunjämtejj acapachajj churqui uqhama. Jan llaquisipjjamti ni aijssarapjjaraquimsa.

Juan 16:6 Acanac arsutajjatja jumanacajj llaquitaquëjjapjjitawa.

Juan 16:22 Uca pachparaquiw jumanacajj jichhajj llaquisipjjita; ucampis nayajj wasitampi cutt'anis uñjapjjäma, ucqhawa jumanacajj wal chuymanacaman cusisipjjäta, uca cusisiñsti janiw qhitis apakapcätamti.

Hechos 2:46 Sapüruw templon tantachasipjjäna. Utanacapansti mayaquiw t'ant'a pachjasajj mank'asipjjäna take cusisiñampi, llamp'u chuymampiraqui.

Romanos 9:2 Jach'a llaquisiñaw utjitu, chuymajjansti walrac jachascta,

2 Corintios 2:4 Cunapachatii uca carta kellkanipcäyäsmä ucqhajja, wali mayjt'ata, llact'ata, uqhamarac jacht'asisa, uqhamaw jicjjatasiyäta; ucampis janiw llaquisipjjañamataqui apayanipcsmati, jan ucasti cunja jach'äquitejj munasiñajjajj jumanacataqui uc yatipjjañamataquiw apayanipjisma.

Efesios 5:19 Salmonacampi maynit maynicama chuymachasipjjam, yupaychañ k'ochunacampi, ajayun k'ochunacamp k'ochusina, uqhamarac Tatituru take chuymamp yupaychasina.